

DEO OPTIMO MAX.

UNI ET TRINO,

VIRGINI DEIPARÆ, ET S. LUCE,

Orthodoxorum Medicorum Patrono.

QUÆSTIO MEDICA.

QUODLIBETARIIS DISPUTATIONIBUS

manè discutienda, in Scholis Medicorum, die Jovis vigesima-
tertiâ mensis Januarii Anno Domini M. DCC. XLIV.

M. CLAUDIO DE LA VIGNE DE FRECHEVILLE,

Medico Regis & Domûs Reginæ ordinario, Doctore Medico, Præfide,

An noxia, Febri maligna, vomitoria?

I

EA malignæ nomen mereatur febris acutæ species, quam, quia morborum benignorum imagine diu contexta minùs exercitatos deludit, sic appellari Medicis placuit. Morbus hic, cujus exitus anceps, fallax prognosis, vix ulli, *symptomatum* gravitate, numero, varietate, pertinaciâ cedit. Si quis eo sit laboraturus, somni tranquillitatem, desiderium cibi, solitam tum corporis tum animi alacritatem sic imminuta sentit, ut nec firmiter valere, nec omnino ægrotare sibi videatur: ut nec à cibo, nec à potu, nec à solitis vitæ muniis statim absteineat; imò iis obstinatiùs, si molestum corporis angorem possit excutere, indulgeat. Tamdiu ita se res habet, donec, crescentibus animi ægitudine, lassitudine corporis, succedat capitis, vel nihil vel obscurè dolentis, stupor: vertigo, nausea, tinnitus aurium, summa denique virium defectio. Ægrum, ubi lecto se composuerit, sic jacentem observabis, ut qui lethargo detineatur; sic tardum parcumque in respondendo, ut qui planè hebesceret. Est ubi interrogantes, immotis (quod *Catalepticum* quid redolet) oculis intueatur. Arteria, si non lentius quàm in sanis, saltem non multò velociùs pulsât, quam si docto suspensoque digito explores, non nihil rigere difficultiùsque explicari reperies. Et nisi veterosus ille stupor, toto, quod mitius est, morbi decursu duraverit, pejora superveniunt *symptomata* exæret, vel depulsis prioribus, uno tenore persistunt, vel divisam cum ipsis tyrannidem exercent. Pejorem itaque naturam induente morbo, pulsus intenditur, fit crebrior, & quæ primùm lethargo vel *comati* propiora erant, nunc ad febrem ardentem & *phrenesim* magis accedere videntur *symptomata*. Sermo igitur, ex tardo & gravi, fit promptior densiorque; hætenus immobiles palpebræ crebrò nictitant; celerè motu volvuntur, scintillant, avertanturque lucem oculi; cutis ardet, rubet facies; qui, adventante morbo, interdum & leviter, tactu judice, in manuum carpis, subsiliebant *tendones*, nunc apertè & continuè, cum ferè ubique corporis, tum maxime in facie convelluntur. His adde sitim, vigilas, anxietatem, delirium, *phrenidem*: alvum in plerisque pertinaciter constipatam, in nonnullis *ichore* tenui, nunc subviridi, nunc subalbo aut cineritio largissimè profluentem: cutim denique aut siccam & urentem, aut uberrimè, sed non critico, sudore perfusam. Siccescit, exasperatur & nigrescit lingua, lenta sanie squallent dentes interioraque gutturis. Urina sæpè, sanorum haud ablimilis, aliquoties limpida, in quâ nihil subsidere ante declinationem videas. Spiritus, secus ac in *pleuritis*, non continuè, sed incertis tantùm intervallis difficultiùs agitur. Profecto morbo, nonnunquam attollitur in tumorem alterutra *parotis* vel utraque, quæ si sponte collabatur, interitum, si suppuret, salutem portendit. *Gangrenosis* etiam ulceribus varias partes affici videas, quorum sælix aut infaustus, prout bene vel malè suppuraverint, exitus. Nec infueta est surditas, ineunte morbo pessimi, exeunte optimi ominis signum: illo præfente nervos cerebrumque valde comprimi, hoc verò laxari, & flaccescere putes. *Paroxysmi* præsentiam certius ex cæterorum *symptomatum*, quàm ex febris exacerbatione æstimare licet. Accidit enim ut illis silentibus, hæc intendi videatur, hæc remittente, illa favius ferociant. Nunc pluribus eorum, nunc paucioribus, nunc omnibus simul, mortem inter & vitam, conflictatur æger, donec alterutro exitu scena claudatur. Decimo quarto aliquoties, si bonè veritur morbus, sapissimè vigesimo primo die, circuitum suum absolvit; rarò ultrà quadragessimum excur-

rit. Pueris & senibus libentiùs quàm juvenibus parcit, omnium frequentissimè viros aggreditur. Omni tempestate quod observetur, *sporadicis* annumerari debet, non item contagiosis, licet *epidemice* nunquam non grassetur. Præcipua ipsius sedes caput est, causa vero lymphæ tenax cum toto corpore dispersa, tum maximè cerebro sic impecta, ut, ibi tardato sanguinis circuitu, nascatur inflammatio.

I I.

PLURIMA sunt, nec sanè contemnenda, argumenta, quibus hæc nostra de humoribus in febre malignâ relentscentibus, firmetur opinio. Quamdiu ritè fecerintur bilis, leni quo intestina vellicat stimulo, ex ipsorum glandulis tantum invitat feri, quantum necesse est, ut nec cita nimis, nec nimis pigra sit alvus. Sed tum suam ipsa crassitiem manifestè indicat, cum parcius secernitur. Hinc minùs sollicitata intestina segnescent, quique ab ipsorum villis *vasculosis* ubertim stillare debuerat liquor, jam tardior factus spissescit, & tenaci glutine canaliculos infarcit. Non aliunde repetas familiarè, in malignâ febre, alvi pigritiè. Nec contra nos pugnet quod aliquoties, ineunte morbo, observetur liquidissima. Nihilominus hic vitiatæ bilis secretioni debetur, quamvis priori contrarius, effectus. Nihilominus, alvo sic profusente, adsunt non dubia relentscentium succorum indicia. Equidem in excrementis aliquid apparet bilis, sed æruginosæ, mordacis, ex hepate, non leni ut solet in sanis oscillatione, depulsæ, sed *spasmodicè* extrusæ, quâ durius fodicata intestina, convulsivo quoque nisu, serum quod continet liquidius eructant. Eâdem stricturâ fit ut alimenta, in venas lacteas minùs recepta, unâ cum excrementis foras truantur, largamque ventris eluvium augeant. In utroque verò statu adeo non humescit corpus, ut æger sitim, modò non omninò mente capiat, continuò potu reslingere fatigat. An, si te hoc rationali argumento minùs persuaderi sinas, huic denegabis fidem quod sensibus maximè patet? Mucum dico, viscosum meliùs vocaveris, quo palatum, labia, lingua, gingivæ obducuntur: nulloque potentiorum genere temperandam harum partium siccitatem. An ullâ ratione fortius clariùs ve potest res ea demonstrari, quàm parco (nullo propè dixi) salivæ ex faucium orisque glandulis proventu? Non aliâ fortè causâ obstructæ *parotides* intumescunt. His argumentis accedit ineluctabilis morbi, quibuscumque remediis oppugnetur, diuturnitas; oppletum enim gravatumque crassiore serò cerebrum non subito unquam, ut sæpe solet in phrenitide simplici, sed lentè gradatimque, quod relentscentium humorum proprium est, expeditur. Inter ea tandem quæ adversus pessimi morbi causas efficaciora sunt remedia, nulla videas quæ suam humoribus fluiditatem restituere non valeant: nec priùs caput planè liberari, quàm laudabili conditione & copiâ bilis fluxerit; quàm gingivarum, linguæ, palati, siccæ nigraque crustas, ubertim alluendo, saliva depulerit; lenis denique mador cutem humectaverit; quæ omnia, ex crassis, tenuiores factos fuisse humores annuntiant.

I I.

EX variis causis fæpe nascuntur *symptomata*. Sic mentitur apoplexiam ebrietas; *epilepsiam* verò, apoplexiæ superveniens convulsio, Quorum vermes stomachum fatigant, renes fodicat asperior calculus, gingivas dens laboriosius erumpens distrahit, eos *epilepticos* dices. Habent etiam quod cum apoplexiâ, epilepsiâ, lethargo confusas *haemicarum paroxysmi*, vehemensque, ab ætu aut casu, cerebri commotio. Licet eadem ferè omnibus facies, non eadem tamen curatio. Alios affectus ab aliis discriminare primum, sanare alterum artis caput est. Primum qui volet attingere, naturam observet, qui alterum, imitetur. Vix ulli sunt in quibus medendâ viam monstrat apertius quàm capitis morbi, siue *idiopathici* fuerint *ve sympathici*, *Hemicraniam* spontaneo vomitu natura sublevat, eandem sanat restituto ventriculi robore. Utrumque, non sine successu, artis auxilio imitabere. Dolo capitis acerbissimo, phrenitide, lethargo, medio in simplicium duplicium-ve tertiarum *paroxysmo*, quosdam tentari non insolitum. Terrifica hæc *symptomata*, cum deservescunt febrili æstu conquescent, liquet non esse reverfura, si febrim convenientibus medicamentis sustuleris. *Cephalalgia*, familiarem continuæ benignioris comitem, narium hæmorrhagiâ, menstruum vel hæmorrhoidum fluxu, concoctæ bilis vel per superiora, vel per inferiora copioso proventu, cum sæpè natura compescat, ipsa videtur indicare quàm tuti promptique sit auxilii tempestivus venæ sectionis, *emeticorum*, purgantium-ve usus. At, quoniam in his morbis fluxilior paratioque est ad exitum humor, nil mirum si tam citò & faciliè vel naturæ vel arti obtemperet. Idem frustra speraveris, quum morbi materies glutinosa, cruda, coctu contumax visceribus cerebroque imprimis altè profundèque hæserit. Acutis ejusmodi febribus sunt fuit, iidemque remotissimi limites, quos, nec citâ unquam crisi, natura contrahere, nec ullis medi-

camentis ars possit. Non otiosum tamen idcirco decet esse Medicum; quæ enim medicamenta nihil, aut certè parùm, præ morbi contumaciâ, juvare videntur, id usu diuturno præstant, ut, remotis paulatim impedimentis, æger ad morbi finem feliciter perducatur. Malè ergo se gereret qui materiam omnem, validioribus pharmacis, largioribusque venæ sectionibus, in unum coactis, ut ita dicam, copiis, & repentino impetu submovere tentaret. Notissima horum morborum *symptomata*, stupor dolor ve capitis, delirium, prodeuntes sanguinis ex naribus stillæ, *saphena* quidem sectionem postulant, sed iis solum copiâ & frequentiâ quibus satis sit, ut cerebrum à vehementiore sanguinis impulsu, pro re natâ, præservetur. Atenuantibus pugnantum esse suadent summa humorum crassities, fauciumque siccitas, non calidioribus quidem & siccâ formâ præscriptis, sed desumptis ex mitiorum familiâ, multoque potu dilutis. Ineunte morbo vel laxior vel strictior esse solet alvus; hoc in casu biliosam supervenire *diarrhœam* bonum: in illo verò, quæ zruginea, mucosa, aut serosa fuerat materies, mutari in biliosam: quam, in utroque, sic toto morbi decursu profluere saluberrimum. Hinc colligas alvi fluxum, nisi adfuerit, arte promovendum; si adfuerit, & pravæ quidem conditionis, in meliorem esse vertendum, diuturnoque laxantium usu fovendum. Omnis ergo in his curationis cardo vertitur, ut solidis laxitas, liquidis fluiditas restituantur: ut sanguis à capite revellatur, ut denique bilis, quæ mixta sanguini nervos *meninges*que vellicat, non interruptâ secretionem eliminetur. Quæ cum ritè administrata ad Medici votum succedere soleant, nihil non metuendum esse planum est ab iis medicamentis quæ jam rigentes nervos membranasque acriori stimulo irritent, sanguinique, nimîâ jam vehementiâ in caput ruenti, calcare addant. Quæ incommoda quoniam secum trahere solet vomitorium, in eo rerum statu, ut periculosum fugiat.

I V.

VIRTUTEM salis sibi *emetica*, in iis de quibus agitur morbis, prædicent alii. Quod vel bile, vel quovis alio recremento, turgentem stomachum potenter exonerare valeat, non magna ejus laus est. Frustrâ opposueris horum humorum accedine morderi ventriculum, metumque esse ne, si forbeantur in sanguinem, morbi malignitatem augeant. Saburram hanc si diluentium ope fluidiorem, comminuentium tenuiorem feceris, levi labore per alvum deduces. At illo, inquires, quo stomachus totumque corpus, inter vomendum, agitur motu, sic excitantur torpentes fibræ, ut lymphæ sanguisque, sicuti artiarum stagnaverint, in venas circuituique suo restituantur. Nec de morbo, nec de remedio rectè judicaverit qui ita sentiet. Hoc commodi tamdiu solum à vomitorio sperare audeas, quamdiu nati ex morâ succorum obices, fortiori cordis artiarumque *sysole*, adhuc possunt removeri. Verùm ubi eò lentoris devenère, ut insuperabile arietanti sanguini repagulum objiciant, nihil non à vomitorio metuendum est. Hujus agendi modum, ne rem subtiliori duntaxat rationi persequi videamur, experientiæ face consideremus. Non solum ad vomitorii stimulum stringitur ventriculus. Parem, si non maximam, laboris partem suscipiunt abdominis, septi transversi, imò ipsi artuum musculi, quos sæpè convelli veriùs, quàm contrahi diceres. Validissimâ inspiratione distensus pulmo, coacta in angustum abdominis viscera, spasmodico motu contracti totius fere corporis musculi, propulsus corde difficultis parcùsque admittunt sanguinem, quem eò fortius abundantiusque ad cerebrum decet evibrari, quò, adversus pressionem exteriorem, osseo calvaria propugnaculo munitus est, molliorque fibrarum contextu fabricatum. Quocumque igitur impulsionis momento agatur sanguis, si obstructos cerebri canales vi referare nequeat, superest ut eorum membranas distendat, quibus mox disruptis, intra cranium effundatur. Tanta mala, si, vix constante cerebri inflammatione, ab *emetico* posse concitari intelligas, quantò magis, eadem provectâ, pertimescenda esse existimabis? Et ne hæc pericula inani cogitatione ficta putes, sequenti observatione monearis qualem vim cerebrum ex forti pectoris abdominisque concussionem patiatur. Non mediocri cranii portione sublata, puella quædam ex capitis vulnere sic convaluit, ut consolidata cutis amissis ossis iacturam, qualicumque modo, suppleret. Ea cum lamina plumbea, quâ cicatrix firmaretur, consilio Chirurgi diu gesta, usum semel neglexisset, tussis depressa fuit, quâ sævientem, ita commotum est cerebrum, ut ruptâ cicatrice, magna hujus visceris portio foras excuteretur.* Non leviores, nec capiti minùs infensi sunt vomitum, quàm tussientium conatus. In utrisque observabis venas colli & temporum inflari, oculos ipsos, imò faciem rubere atque intumescere. Ab utrisque comperies dolorem capitis, si quis fuerit, medios inter natus, vehementer exacerbari: nonnullosque reperias adeò acutè tunc dolentes, ut sibi cranium in frusta dissilire exclament:

4

Ne quid tandem nostræ sententiæ desit ponderis, tres, sanctissimè testamur, ægrotos vidimus, febre continuâ, dolore capitis obscuro, stupore laborantes, quorum unus, in ipsâ vomitorii actione, convulsus periit, alteri duo paucis post vomitum horis occubuerunt.

V.

QUOD vomitorium in febre malignâ periculosum arbitremur, adeo non omnem falsi stibii usum improbamus, ut contrâ suadeamus: modò non largâ, quæ stomachum, ut ita dicam, subvertat *desi*, sed ita refractâ convenientibusque intervallis distributâ, ut quieto, aut saltem nonnisi leviuscule concusso, ventriculo, in intestina distillatur. Hoc pacto, quæ extremum, mediante *Tartaro*, naturæ sunt tenuitatis gradum stibii particulæ, si præsertim copioso vehiculo fuerint dilutæ, per omnes intestinorum anfractus longè latèque diffundentur. Ibi quò morabuntur diutius, eò glutinosam colluviem solvent potentiùs, mollesque, quibus intus vestiuntur intestina, villos blandè trillando, quovis purgante tutius commodiusque, per alvum deducunt. Sic blandè submota semel alvus sequentibus dosibus obsequentior se præstabit. Ne tamen hæc formâ præscripto *emetico* id solum utilitatis esse credas, ut malè coctam primarum viarum eluviem solvendo deturbare valeat; insignis insuper ipsius dos est, quòd, cum diu moretur in intestinis, pars ejus non minima, delata per venas lacteas in sanguinem, quaquaversum distribuitur. Ibi delatum, quod muco intestinorum, vi comminuendi præstitit, id inspissatis totius corporis liquoribus præstat. Obstructos imprimis bile viscosâ hepatis meatus insigniter aperit; alvi enim excrementa ex viridibus aut ærosis, iterato per aliquot dies remedii usu, videas æqualia, flava, merè biliosa prodire. Tam mites interim edet effectus, ut vel singulis, si è re fuerit, vel alternis diebus securè possit adhiberi; nec ab ejus usu continuato dissuadeant fluctante abdominis tensio, subultus *tendendum* motusque *spasmodici*, vel sitis ardens fauciumque siccitas, vel omnia denique *symptomata* quibus præsentibus nihil non à largiore dosi formidandum est. At ne semel quidem, instabis, ineunte morbo, & præmissis præmitendis, ubi oris amaror, ructus biliosus, tinnitus aurium, nausea, vomitus postulare videntur, *emeticum* ampliore dosi propinare fas erit? Esto, sic febre habentibus, eo feliciter plerumque usus sis; sed longè prudentius abstinebis. Si enim obstructio cerebri sit ejus naturâ, ut remedio cedere nequeat, delicatior verò ægri stomachus faciliè ad vomitorii stimulum in violentos motus rapiatur, quòd utrumque ex signis exterioribus vaticinari nequeas, morbum ex maligno, quantum ex suprà dictis patet, maligniorem facies. Plenior *emetici dosim*, bis terve paucis horis cumulatam, in apoplexiâ bene succedere ne objicias. Diversa est hujus morbi & malignæ febris ratio. Tantus est in *apoplexiâ* nervorum stupor, ut, *emetico* in intestina priùs delapso, quàm ejus vim senserit ventriculus, per superiora rariùs, sæpius per inferiora purgentur. Prætereà non tam crassitie, quàm copiâ, peccat eorum sanguis; non *symptoma* cerebri, sed sanguineis tantum valis hæret, morbusque non paulatim, ut febris maligna, sed repente nascitur: quare nil mirum, si vomitorio citò resolvitur. Imò in eo morbo tam faciliè circuitui suo sanguis restitui potest, ut sæpe sectâ venâ, sine *nocturno* auxilio, æger ad se redeat. In febre verò malignâ, quæcumque remedia adhibueris, nunquam ante tempus caput videas planè liberari, sæpius verò malum vomitorio exacerbari. Stet igitur nostra conclusio,

Ergo noxia, Febris malignæ, vomitoria.

DOMINI DOCTORES DISPUTATURI.

M. Silvester-Antonius Le Moine.
M. Petrus-Josephus Macquer.

M. Julianus Buffon.
M. Petrus Berber.

M. Henricus Buisser.
M. Joannes Bessé, Dotarie,
Hispaniarum Regine, dum
viveret, Medicus Primarius.
M. Antonius de Jussieu, Regi à
Secretis, Regie Scientiarum
Académie, Regiarumque
Societatum Angliæ & Prus-
siæ Socius, & tunc in Ho-
stio Regio Parisiensis Professor
ac Demonstrator.

M. Josephus-Maria-Francisus
de la Sône, Regie Scientiarum
Académie Socius.

M. Urbanus de Vandenesse.

Proponebat Parisiis, CLAUDIUS BOURDIER, Borbonii Arcimbaldici,
Saluberrimæ Facultatis in Universitate Parisiensi Baccalaureus,
A. R. S. H. 1744. à sextâ ad meridie.